

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO – TUŽITELJSTVO
ZENIČKO-DOBOJSKOG KANTONA
Z E N I C A**

Broj: T04 0 KT 0062625 25
Zenica, 01.04.2025. godine

**OPĆINSKI SUD U VISOKOM
- Sudiji za prethodno saslušanje-
VISOKO**

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije BiH, p o d i ž e m

O P T U Ž N I C U

Protiv:

H. A., osuđivan,

Što je:

Dana 13.12.2024. godine oko 12,50 sati, na području općine B., u mjestu P., na nekategorisanom putu a koji vodi pored pruge P.-V., napao službene osobe policijske službenike, Z. J. i K. S., dok su obavljali službenu radnju u vršenju poslova sigurnosti, te kada su uočili tri zaustavljena putnička motorna vozila marke „VW Golf“, „Audi“ i „VW Bora“ i pored njih više lica, za koja su sumnjali da su počinioci krivičnog djela Posjedovanje i omogućavanje uživanja opojnih droga, pristupili provjeri lica i vozila, da bi prilaskom do putničkih motornih vozila, lica se dala u bijeg, te dok su policijski službenici stajali pored pmv marke „VW Bora“ reg. broja ... sa otvorenim vratima od vozača, do vozila i policijskih službenika je prišao, nakon čega su ga policijski službenici pitali: „Da li je ovo tvoje vozilo“, slegao ramenima i odgovorio: „Da, jeste“, te na ponovno pitanje policijskih službenika: „Da li je ovo tvoje vozilo“ istima odgovorio: „Šta ćeš, svi znate j***a, moje je“, nakon čega se okrenuo prema policijskom službeniku K. S. i sa obje ruke ga uhvatio za prsa i snažno odgurnuo od sebe, uslijed čega je S. poteturao prema nazad na policijskog službenika Z. J. koji se nalazio iza njega, uslijed čega su oba policijska službenika poteturala unazad, te je S. pao, a J. zguran u kanal i također pao, kojom prilikom su kod oba policijska službenika prilikom pada oštećene uniforme zaprljane od blata, i kada je S. krenuo naprijed da spriječi njegov dalji napad, sjeo u svoje vozilo „VW Bora“, startovao iz mjesta i sa vozilom se udaljio prema P., svjestan da takvim svojim ponašanjem napada službene osobe u vršenju poslova sigurnosti, što je i htio,

Dakle, napao službene osobe,

Čime je počinio krivično djelo napad na službenu osobu u vršenju poslova sigurnosti iz člana 359. stav 1. KZ F BiH.